

Il faut auoïer que Dieu a ses esleus par tout, & que la Foy a de puiffans effects dans les ames les plus sauuages. Vn ieune homme grand chasseur & grand coureur s'estant fort long-temps esloigné du lieu où il auoit esté instruit, a passé l'hyuer en tres-mauuaïse compagnie; mais sa constance & sa fermeté en la Foy, l'ont fait marcher droit où les autres ont bronché. [21] Il n'a pas manqué vn foir ny vn matin de faire ses prieres à genoüil, & en public tant qu'il a esté en fanté, sa femme prioit avec luy. Il estoit parmy des Payens, & avec des hommes demy Apostats. Ils se gauffioient de luy, ils l'excitoient à chanter des chançons superstitieuses, dont ils se seruent pour auoir recours au Demon. Ils luy reprochoient qu'il ne trouueroit aucune bonne chasse. Ce bon ieune homme n'a iamais bronché en sa creance, ny du cœur, ny de la parole, ny d'aucun geste, l'exemple de ceux qui tomboient, les railleries de ceux qui le gauffioient n'ont iamais pû l'esbranler. Le luy demandois si du moins son cœur n'estoit point quelques-fois fecoüé, point du tout respondit-il: ie sentoïis assez souuent de la tristesse & de la douleur de mes pechez; mais il me semble que i'auois vne telle force dans mon cœur pour la priere & pour la Foy, que i'estois plus touché de compassion pour ces pauures gens, à cause de leur incredulité & de leur badieries, que ie n'en auois d'auerfion pour les mespris qu'ils faisoient de moy: Auffi est-il vray que ce ieune homme est fils de l'vn des plus genereux Chrestiens de la reduction de S. Ioseph.

[22] Sa femme accoucha dans ce grand esloignement, l'enfant disoit-il, ne paroïsoit quasi pas estre viuant, on me dit qu'il estoit mort, que c'en estoit